



**Fangstresultatet i år i Uskedalselva har ikkje vore offentleggjort i uskedalen.no, men det vart 1111,4 kilo i motsetnad til 1400 kilo i 2011-sesongen, Med andre ord vart resultatet relativt bra sjølv om elveigarlaget stoppa døgnkortsalet allereie 25. juli med dobbel grunngeving: Organisasjonsforma til laget og forskaruttale om at fjorårsfangsten var i største laget.**

Laksefangsten var 1008,95 kilo fordelt med 178,15 kilo storlaks, 672,9 kilo mellomlaks og 157,9 smålaks. 52,4 kilo av laksen vart sett ut att og det talet kunne ha vore større, held elveigarlaget fram.

Derimot er dei svært godt nøgde med at 40,25 kilo av 105,45 kilo fanga aure vart sett ut att.

Dette var første året elveigarlaget hadde eiga nettside, men dette verktøyet fungerte heller dårleg som rapporteringskanal. Her må det skje ei skjerping i 2013, konstaterer laget.

Den glade fiskar over er Jone Rørheim. Ungguten var ein av dei ivrigste ved elva også i år og fisken han presenterar her vog 8 kilo.

Av: Ola Matti Mathisen  
Foto: Anne Rørheim